

არასამეწარმეო (არაკომერციული) იურიდიული პირი

პარტნიორობა ადამიანის უფლებებისთვის - Partnership For Human Rights

წესდება

ქ. თბილისი
2016 წ.

1. მუხლი 1. საზოგადოების შესახებ
2. საზოგადოება „პარტნიორობა ადამიანის უფლებებისთვის - “Partnership For Human Rights“ (შემდგომში - საზოგადოება) წარმოადგენს საქართველოს სამოქალაქო კოდექსის შესაბამისად შექმნილ, წევრობაზე დაფუძნებულ არასამეწარმეო (არაკომერციულ) იურიდიულ პირს, რომელიც მოქმედებს საქართველოს კონსტიტუციის, კანონმდებლობისა და ამ წესდების შესაბამისად.
3. საზოგადოება თავისი მიზნებიდან გამომდინარე მოქმედებს საქართველოს მთელ ტერიტორიაზე, ასევე მის ფარგლებს გარეთ.
4. საზოგადოების სახელწოდება - პარტნიორობა ადამიანის უფლებებისთვის - Partnership For Human Rights.
5. სამართლებრივი ფორმა - არასამეწარმეო (არაკომერციული) იურიდიული პირი.
6. იურიდიული მისამართი - ქ. თბილისი, ჯიქიას ქ. 41, სადარბაზო №1, სართული 7, ბინა №140.
7. საზოგადოების ელექტრონული ფოსტის მისამართი phr.georgia@gmail.com

მუხლი 2. საზოგადოების მიზნები

საზოგადოების მიზანია საქართველოში შეზღუდული შესაძლებლობის მქონე პირთა, ქალთა, ბავშვთა და ხანდაზმულთა და სხვა „მოწყვლადი“ ჯგუფის წარმომადგენელთა უფლებების დაცვა, უფლებათა დარღვევის პრევენცია, უფლებათა დაცვის მდგომარეობის მონიტორინგი. მარეგულირებელი სამართლებრივი ბაზის ჰარმონიზაცია საერთაშორისო სამართლის პრინციპებთან და სტანდარტებთან.

მუხლი 3. საქმიანობის ფორმები

1. წესდებით განსაზღვრული მიზნის მისაღწევად, საზოგადოება ხელს უწყობს შეზღუდული შესაძლებლობის მქონე პირთა, ქალთა, ბავშვთა და ხანდაზმულთა და სხვა „მოწყვლადი“ ჯგუფის წარმომადგენელთა უფლებების პოპულარიზაციას, დაცვასა და საზოგადოებაში მათი უფლებების მიმართ პატივისცემის დამკვიდრებას. ის იყენებს საქმიანობის შემდეგ ფორმებს:
 - 1.1. საქართველოში ზემოაღნიშნულ პირთა უფლებების დაცვის სფეროში ინფორმაციის კოორდინაცია, გაცვლა და გავრცელება;
 - 1.2. კონფერენციებისა და რეგულარული შეხვედრების მოწყობა, ტრენინგებისა და სემინარების ორგანიზება, ბროშურებისა და პუბლიკაციების გამოცემა, რადიო და სატელევიზიო კომენტარების გამოქვეყნება, და ა. შ. ადამიანის

უფლებათა დაცვის სფეროში პროფესიული ეთიკის ნორმების დამკვიდრების მიზნით;

- 1.3. შეზღუდული შესაძლებლობის მქონე პირთა, ქალთა, ბავშვთა, ხანდაზმულთა და სხვა „მოწყვლადი“ ჯგუფის წარმომადგენელთა მიერ საკუთარი უფლებების რეალიზების მიზნით მათი სამოქალაქო კულტურის მართლშეგნების ამაღლება, კონსულტირება და შესაბამისი სამართლებრივი დახმარების გაწევა;
 - 1.4. ღონისძიებების ორგანიზება, რომლებიც ხელს შეუწყობს სამიზნე ჯგუფების ინტეგრაციას საზოგადოებაში თანასწორობის პრინციპის უპირატესი გათვალისწინებით;
 - 1.5. ადამიანის უფლებების დაცვის სისტემის განვითარებისთვის სახელმწიფო უწყებებთან, კერძო პირებთან და დაწესებულებებთან, ადგილობრივ თუ საერთაშორისო ორგანიზაციებთან მოლაპარაკებების წარმოება და თანამშრომლობა;
 - 1.6. კანონმდებლობის გათვალისწინებით ინფორმაციის მოგროვება და დამუშავება ქვეყანაში მოწყვლადი ჯგუფების წარმომადგენელთა უფლებების დაცვის მდგომარეობის შესახებ, სტატისტიკური მონაცემების შეგროვება და ანალიზი, შესაბამისი რეკომენდაციების წარდგენა პასუხისმგებელი პირებისათვის;
 - 1.7. ყველა სახის მას-მედიასთან თანამშრომლობა და სხვადასხვა საინფორმაციო და სარეკლამო საშუალებების გამოყენებით საზოგადოების საქმიანობის პოპულარიზაცია;
 - 1.8. საზოგადოების მიზნების განხორციელებისთვის რეგიონალური ცენტრების შექმნა და მათი საქმიანობის მხარდაჭერა;
 - 1.9. იურიდიული მომსახურების ცენტრებისა და სტრატეგიული სამართალწარმოების ჯგუფების შექმნა სამართლებრივი კონსულტაციების, სასამართლოში და სხვა საჯარო ადმინისტრაციულ დაწესებულებებში მათი წარმომადგენლობის უზრუნველსაყოფად;
 - 1.10. საზოგადოება უფლებამოსილია თავისი მიზნების მისაღწევად გასცეს გრანტები;
2. საზოგადოებას უფლება აქვს განახორციელოს კანონით აუკრძალავი ნებისმიერი საქმიანობა, რომელიც ემსახურება მისი მიზნის მიღწევას, მიუხედავად იმისა, არის თუ არა ეს საქმიანობა სადამფუძნებლო დოკუმენტებით გათვალისწინებული.
 3. საზოგადოება უფლებამოსილია ეწეოდეს დამხმარე ხასიათის სამეწარმეო საქმიანობას, რომლიდან მიღებული მოგებაც უნდა მოხმარდეს მისი მიზნების რეალიზებას. ასეთი საქმიანობის შედეგად მიღებული მოგების განაწილება მის დამფუძნებლებს, წევრებს, შემომწირველებს, აგრეთვე ხელმძღვანელობისა და წარმომადგენლობითი უფლებამოსილების მქონე პირებს შორის დაუშვებელია.

მუხლი 4. საზოგადოების ქონება

1. საზოგადოება თავისი წევრების, აგრეთვე ხელმძღვანელობისა და წარმომადგენლობითი უფლებამოსილების მქონე პირების მდგომარეობისაგან დამოუკიდებელია. პასუხისმგებლობა შემოიფარგლება მხოლოდ მისი ქონებით. საზოგადოების ვალდებულებებისთვის მისი წევრები, აგრეთვე მისი ხელმძღვანელობისა და წარმომადგენლობითი უფლებამოსილების მქონე პირები პასუხს არ აგებენ. ასევე არ აგებს პასუხს საზოგადოება საკუთარი წევრების, აგრეთვე თავისი ხელმძღვანელობისა და წარმომადგენლობითი უფლებამოსილების მქონე პირების ვალდებულებებისათვის.
2. საზოგადოების ქონება იქმნება შემოწირულობების, გრანტებისა და საქმიანობის შედეგად მოპოვებული სხვა კანონიერი შემოსავლებით.
3. საზოგადოების საკუთრებაში არსებული ქონების გასხვისება შესაძლებელია, თუ გასხვისება ემსახურება მის საქმიანობას, მის ორგანიზაციულ განვითარებას, ხელს უწყობს მისი მიზნების განხორციელებას ან ემსახურება საქველმოქმედო მიზნებს.
4. საზოგადოების ლიკვიდაციის შემთხვევაში საზოგადოების ქონების განკარგვა ხდება ამ წესდების მე-11 მუხლით დადგენილი წესით.

მუხლი 5. საზოგადოების დამფუძნებლები

საზოგადოების დამფუძნებელია ანა აბაშიძე პ/ნ 33001026392, მისამართი: ოზურგეთი, უნივერსიტეტის ქ. N12, ბინა 10, დაბადების თარიღი: 29.10.1986.

მუხლი 6. საზოგადოების წევრობა

1. საზოგადოების წევრის სტატუსი:
 - 1.1. საზოგადოების წევრი შეიძლება გახდეს ნებისმიერი პირი, თუ ის იზიარებს საზოგადოების წესდებით განსაზღვრულ მიზნებს და სურს ჩაერთოს მის საქმიანობაში და აკმაყოფილებს კანონმდებლობით დადგენილ მოთხოვნებს.
 - 1.2. პირის საზოგადოების წევრად მიღების საკითხს წყვეტს გამგეობა.
 - 1.3. გამგეობა უფლებამოსილია მიიღოს გადაწყვეტილება საზოგადოების წევრისთვის საპატიო წევრის სტატუსის მინიჭების შესახებ. პირის საპატიო წევრად მიჩნევის საფუძველია მისი განსაკუთრებული როლი საზოგადოების მიზნების რეალიზებაში ადამიანის უფლებათა დაცვის სფეროში მუშაობის გამოცდილებიდან გამომდინარე. საპატიო წევრის სტატუსის მატარებელი

პირი არ სარგებლობს საზოგადოების საქმიანობის მარეგულირებელი აქტებით წევრისთვის დადგენილი უფლებებით, თუ ამავე აქტებით სხვა რამ არ არის განსაზღვრული.

2. წევრის უფლებები და მოვალეობები

2.1. საზოგადოების წევრი უფლებამოსილია:

- 2.1.1. ხმის უფლებით მიიღოს მონაწილეობა წევრთა საერთო კრების მუშაობაში;
- 2.1.2. მონაწილეობა მიიღოს საზოგადოების მართვის ორგანოების ფორმირებაში, აირჩიოს და არჩეულ იქნას გამგეობის წევრად;
- 2.1.3. ნებისმიერ დროს გაეცნოს და მიიღოს ინფორმაცია საზოგადოების საქმიანობის, პროექტების მიმდინარეობის შესახებ;
- 2.1.4. მონაწილეობა მიიღოს საზოგადოების მიერ დაგეგმილ ღონისძიებებში;
- 2.1.5. მიაწოდოს საზოგადოების მართვის ორგანოებს წინადადებები საქმიანობის ეფექტური წარმართვის მიზნით.

2.2. საზოგადოების წევრი ვალდებულია:

- 2.2.1. დაიცვას ამ წესდებითა და საზოგადოების საქმიანობის მარეგულირებელი სხვა დოკუმენტაციით განსაზღვრული მოთხოვნები;
- 2.2.2. დაიცვას საზოგადოების წესდება, შეასრულოს საზოგადოების მართვის ორგანოების გადაწყვეტილებები;
- 2.2.3. განზრახ არ შელახოს საზოგადოების საქმიანი რეპუტაცია;
- 2.2.4. გაუფრთხილდეს საზოგადოების საქმიან რეპუტაციას და ქონებას.

3. საზოგადოების წევრობის შეწყვეტის/გარიცხვის საფუძვლები

3.1. წევრის სტატუსი წყდება:

- 3.1.1. პირადი განცხადების საფუძველზე;
- 3.1.2. გარდაცვალების, სასამართლოს გადაწყვეტილებით პირის გარდაცვლილად ან უგზო-უკვლოდ დაკარგულად გამოცხადების შემთხვევაში, აგრეთვე საქართველოს კანონმდებლობით განსაზღვრულ შემთხვევებში;
- 3.1.3. იურიდიული პირის შემთხვევაში - მისი ლიკვიდაციით;
- 3.1.4. გარიცხვით.

3.2. გარიცხვა შესაძლებელია იმ შემთხვევაში თუ:

- 3.2.1. წევრი იმოქმედებს საზოგადოების მიზნების წინააღმდეგ;
- 3.2.2. უხეშად დაარღვევს წესდების დებულებებსა და მათ შესაბამის წესებს;
- 3.2.3. წევრი საერთო კრებას არასაპატიო მიზეზით არ ესწრება რეგულარულად (მინიმუმ 3-ჯერ);

- 3.2.4. წევრი გამოიყენებს საზოგადოების ავტორიტეტსა და საქმიან რეპუტაციას კომერციული, პოლიტიკური ან პირადი მიზნებისთვის;
- 3.2.5. გაავრცელებს საზოგადოების საქმიანობის შესახებ არასწორ ინფორმაციას, რომლითაც ზიანს მიაყენებს საზოგადოების საქმიან რეპუტაციას;
- 3.2.6. საზოგადოების შინაგანაწესით განსაზღვრულ შემთხვევებში.

მუხლი 7. წევრთა საერთო კრება

1. საზოგადოების უმაღლესი მმართველობითი ორგანოა საზოგადოების წევრთა საერთო კრება, რომელიც მოიწვევა წელიწადში ერთხელ. გამგეობის გადაწყვეტილებით, საზოგადოების თავმჯდომარის ინიციატივით ან წევრთა 1/3-ის მოთხოვნით შესაძლოა მოწვეულ იქნეს რიგგარეშე საერთო კრება.
2. საერთო კრების მოწვევის თაობაზე ყველა წევრს უნდა ეცნობოს წერილობით, საზოგადოების ვებ-გვერდზე გამოქვეყნების, სოციალური ქსელების მეშვეობით ან ტელეფონით კრების მოწვევის თარიღამდე არანაკლებ 7 დღით ადრე.
3. კრება გადაწყვეტილებაუნარიანია, თუ მას ესწრება წევრთა ნახევარზე მეტი, გარდა ამ მუხლის მე-7 პუნქტით გათვალისწინებული შემთხვევისა.
4. საერთო კრებაზე გადაწყვეტილებები მიიღება ხმის უფლების მქონე წევრთა ხმათა უმრავლესობით, გარდა ამ მუხლის მე-7 პუნქტით გათვალისწინებული შემთხვევისა.
5. თუ საქართველოს კანონმდებლობით, საერთო კრების გადაწყვეტილების დასადასტურებლად მოთხოვნილია ნოტარიული თანხმობა, სასურველია საერთო კრების სხდომას ესწრებოდეს აგრეთვე ნოტარიუსი.
6. საერთო კრება უფლებამოსილია:
 - 6.1. მიიღოს გადაწყვეტილება საზოგადოების წესდებაში ცვლილებებისა და დამატებების შეტანის შესახებ;
 - 6.2. განსაზღვროს საზოგადოების საქმიანობის სტრატეგია, შეცვალოს საქმიანობის მიზნები;
 - 6.3. აირჩიოს და გამოიწვიოს საზოგადოების გამგეობის წევრები;
 - 6.4. მოითხოვოს ინფორმაცია საზოგადოების ხელმძღვანელი ორგანოებისა და პირებისაგან საზოგადოების საქმიანობის შესახებ;
 - 6.5. მოისმინოს გამგეობის ფინანსური და სხვა სახის ანგარიშები;
 - 6.6. მიიღოს გადაწყვეტილება საზოგადოების, ქონების გასხვისების, საქმიანობის შეჩერების, რეორგანიზაციის ან ლიკვიდაციის თაობაზე;
 - 6.7. განახორციელოს ამ წესდებით, საზოგადოების შინაგანაწესით აგრეთვე საზოგადოების სხვა მარეგულირებელი აქტებით მისთვის მინიჭებული სხვა უფლებამოსილებები.

7. საერთო კრების გადაწყვეტილება, რომლითაც ხდება საზოგადოების საქმიანობის მიზნების შეცვლა, საქმიანობის შეჩერება, საზოგადოების ქონების გასხვისება, რეორგანიზაცია ან ლიკვიდაცია მიიღება საერთო კრების წევრთა $\frac{3}{4}$ (სამი მეოთხედი) უმრავლესობით.

მუხლი 8. საზოგადოების გამგეობა

1. საზოგადოების ხელმძღვანელი ორგანოა გამგეობა, რომელსაც 3 წევრის შემადგენლობით ორი წლის ვადით ირჩევს საერთო კრება, ხმის უფლების მქონე დამსწრე წევრების ხმათა უმრავლესობით.
2. გამგეობის საქმიანობას ხელმძღვანელობს გამგეობის თავმჯდომარე, რომელიც ამავდროულად არის საზოგადოების თავმჯდომარე. მას გამგეობა ირჩევს თავისი შემადგენლობიდან, ხმათა უმრავლესობით გამგეობის უფლებამოსილების ვადით.
3. ამ წესდების მე-6 მუხლის მე-3 პუნქტით, აგრეთვე ამ მუხლის მე-12 პუნქტით განსაზღვრული საფუძვლების არსებობისას, საერთო კრება უფლებამოსილია მიიღოს გადაწყვეტილება, შესაბამისად საზოგადოების გამგეობის წევრის გამოწვევის ან წევრობის შეწყვეტის შესახებ.
4. გამგეობის სხდომები იმართება ორ თვეში ერთხელ, ან საჭიროებისამებრ. სხდომის ჩასატარებლად შეიძლება გამოყენებულ იქნეს ელექტრონული კომუნიკაციის საშუალებები.
5. გამგეობის მიმდინარე სხდომა მოიწვევა გამგეობის თავმჯდომარის მიერ. გამგეობის რიგგარეშე სხდომის მოწვევის უფლება აქვს გამგეობის წევრს. გამგეობის მორიგი ან რიგგარეშე სხდომა მოიწვევა სხდომის თარიღამდე არანაკლებ შვიდი დღით ადრე (გარდა იმ შემთხვევისა, როდესაც არსებული გარემოებების გათვალისწინებით, აუცილებელია გამგეობის სხდომის დაუყოვნებლივ ჩატარება), გამგეობის წევრებისთვის შეტყობინების მიწოდების გზით. შეტყობინების მიწოდება შესაძლებელია დაზღვეული წერილით, ტელეფონით, ელექტრონული ფოსტით, ფაქსით ან ინფორმაციის გადაცემის სხვა საშუალებით. შეტყობინებაში უნდა მიეთითოს სხდომის ჩატარების დრო, ადგილი/ფორმა და დღის წესრიგი.
6. საზოგადოების თავმჯდომარის მოწვევით, გამგეობის სხდომას ხმის უფლების გარეშე შეიძლება ესწრებოდეს აღმასრულებელი დირექტორი, ფინანსური მენეჯერი, აგრეთვე სხვა პირი.
7. შეტყობინების მიღებიდან სამი დღის ვადაში გამგეობის წევრს შეუძლია ცვლილებები შეიტანოს დღის წესრიგში. თუ ამ ვადაში ცვლილებები არ იქნება შეტანილი, დღის წესრიგი მიღებულად ჩაითვლება. სხვა შემთხვევაში დღის წესრიგში ცვლილება შეიძლება შეტანილი იქნეს მხოლოდ გამგეობის სხდომაზე დამსწრე წევრთა ხმების უმრავლესობით.
8. გამგეობის სხდომა გადაწყვეტილებაუნარიანია, თუ მას ესწრება გამგეობის 2 წევრი.

9. გამგეობა გადაწყვეტილებას იღებს წევრთა ხმების უმრავლესობით. თითო წევრს აქვს თითო ხმა. კენჭისყრაში მონაწილეობისგან თავის შეკავება დაუშვებელია.
10. სხდომის შესახებ დგება ოქმი, რომელშიც აისახება სხდომაზე განხილული საკითხები და შესაბამისი გადაწყვეტილებები. ოქმს ხელს აწერენ გამგეობის წევრები. სხდომაზე დამსწრე განსხვავებული აზრის მქონე გამგეობის წევრის შენიშვნები და მოსაზრებები, მისი მოთხოვნით, წერილობითი სახით დაერთვის სხდომის ოქმს.
11. გამგეობის წევრებს უფლება აქვთ გადაწყვეტილება მიიღონ სხდომის მოწვევის გარეშე, თუ დღის წესრიგით განსახილველ საკითხებთან დაკავშირებით ყველა წევრი ერთად ან ცალ-ცალკე გამოხატავს თანხმობას წერილობით, სატელეფონო ან კომუნიკაციის სხვა ტექნიკური საშუალებით. გარდა საქათველოს კანონმდებლობითა და ამ წესდებით გათვალისწინებული შემთხვევებისა.
12. გამგეობის წევრები ვალდებული არიან საზოგადოების საქმეები წარმართონ კეთილსინდისიერად კანონმდებლობისა და ამ წესდების შესაბამისად. ამ ვალდებულებების შეუსრულებლობა შეიძლება გახდეს გამგეობის წევრის გამოწვევის საფუძველი.
13. გამგეობა:
 - 13.1. განიხილავს და ამტკიცებს საზოგადოების საქმიანობის სტრატეგიულ მიმართულებებს, გეგმებს, მიზნობრივ პროგრამებს და პროექტებს;
 - 13.2. იღებს გადაწყვეტილებას ცალკეული პროექტების დაფინანსების შესახებ და ახორციელებს დამტკიცებული პროექტის მართვის მონიტორინგს;
 - 13.3. ამზადებს ანგარიშს გაწეული საქმიანობის შესახებ;
 - 13.4. სარეკომენდაციო წერილით მიმართავს საზოგადოების იმ წევრს, რომლის საქმიანობაც ეწინააღმდეგება საზოგადოების მიზნებს ან რომელიც უხეშად არღვევს წესდებით მასზე დაკისრებულ მოვალეობებს;
 - 13.5. წყვეტს საზოგადოების სხვა ორგანიზაციებში წევრობის საკითხს;
 - 13.6. საზოგადოების გამგეობა ამტკიცებს საზოგადოების შინაგანაწესს, რომლითაც განისაზღვრება საზოგადოების გამგეობის წევრების, თავმჯდომარისა და სხვა დასაქმებულ პირთა შრომის ანაზღაურების წესი და პირობები, აგრეთვე საზოგადოების საქმიანობასთან დაკავშირებული სხვა საკითხები.
 - 13.7. ასრულებს ამ წესდებით, შინაგანაწესითა და საზოგადოების საქმიანობის მარეგულირებელი სხვა აქტებით მისთვის მიკუთვნებულ უფლებამოსილებებს. აგრეთვე სხვა უფლებამოსილებებს, რომლებიც არ წარმოადგენს საზოგადოების საერთო კრების კომპეტენციას.
14. გამგეობის წევრი იმავდროულად შეიძლება იყოს საზოგადოების მიერ განსახორციელებელი პროექტის დირექტორი. აღნიშნული პროექტთან დაკავშირებული საკითხების განხილვაში იგი მონაწილეობას ვერ მიიღებს როგორც გამგეობის წევრი.
15. საზოგადოების გამგეობის წევრები არიან:

1. ანა აბაშიძე

პირადი ნომერი:	33001026392
დაბადების თარიღი:	1986-10-29
მისამართი:	ოზურგეთი უნივერსიტეტის ქ. N 10 ბ. 12

2. ნანა გოჩიაშვილი

პირადი ნომერი:	14001008396
დაბადების თარიღი:	1987-02-20
მისამართი:	დედოფლისწყარო ნ.ბარათაშვილის ქ. N 8 ბ. 20

3. კუკური კილურაძე

პირადი ნომერი:	33001026506
დაბადების თარიღი:	1986-10-12
მისამართი:	ოზურგეთი ს. ასკანა

მუხლი 9. საზოგადოების ხელმძღვანელობა და წარმომადგენლობა - საზოგადოების თავმჯდომარე

1. საზოგადოების ხელმძღვანელობას და წარმომადგენლობის უფლებამოსილებას ახორციელებს საზოგადოების თავმჯდომარე ერთპიროვნულად.
2. საზოგადოების თავმჯდომარე:
 - 2.1. მოქმედებს საზოგადოების სახელით და წარმოადგენს მას მესამე პირებთან ურთიერთობაში;
 - 2.2. საზოგადოების სახელით დებს ხელშეკრულებებს, გარიგებებს, აწარმოებს მოლაპარაკებებს, გასცემს მინდობილობებს, იძენს და განკარგავს საზოგადოების ქონებას; საზოგადოების კუთვნილი ქონების უფლებრივად

- დატვირთვის ან გასხვისებისათვის აუცილებელია საერთო კრების წინასწარი თანხმობა;
- 2.3. უშუალოდ ხელმძღვანელობს საზოგადოების მიმდინარე საქმიანობას, მართავს საზოგადოების ფინანსურ სახსრებს და სხვა მატერიალურ ქონებას;
 - 2.4. ხსნის და ხურავს ანგარიშებს საბანკო დაწესებულებებში, ეროვნულ და უცხოურ ვალუტაში;
 - 2.5. უზრუნველყოფს საზოგადოების საერთო კრების და გამგეობის გადაწყვეტილებების შესრულებას;
 - 2.6. წლიური სამოქმედო გეგმით განსაზღვრული ძირითადი მიმართულებების შესაბამისად, წარუდგენს გამგეობას განსახორციელებელი პროგრამების პროექტებს;
 - 2.7. გამგეობის მიერ დამტკიცებულ პროექტებთან დაკავშირებით დებს მესამე პირებთან შესაბამის ხელშეკრულებებს საზოგადოების სახელით;
 - 2.8. ნიშნავს და ათავისუფლებს საზოგადოების თანამშრომლებს, გამგეობასთან შეთანხმებით ან შინაგანაწესის შესაბამისად განსაზღვრავს შრომის ანაზღაურების პირობებს, წყვეტს თანამშრომელთა წახალისების საკითხებს;
 - 2.9. ახორციელებს წესდებითა და საზოგადოების საქმიანობის მარეგულირებელი სხვა სამართლებრივი აქტებით მისთვის მინიჭებულ უფლებამოსილებებს;
3. თავმჯდომარეს უფლება არა აქვს ეწეოდეს ისეთ საქმიანობას, რომელიც ხელს უშლის წინამდებარე წესდებით გათვალისწინებულ მის უფლებამოსილებათა განხორციელებას ინტერესთა კონფლიქტის გამო.
 4. თავმჯდომარე ვალდებულია საზოგადოების საქმეებს უძღვებოდეს კეთილსინდისიერად.
 5. საზოგადოების თავმჯდომარის უფლებამოსილების ვადაა 2 წელი. თავმჯდომარის უფლებამოსილება გრძელდება ახალი თავმჯდომარის არჩევამდე (საქართველოს იუსტიციის სამინისტროს საჯარო რეესტრის ეროვნულ სააგენტოში შესაბამისი ცვლილების განხორციელებამდე).
 6. საზოგადოების თავმჯდომარე შეიძლება ახორციელებდეს კონკრეტული პროექტით განსაზღვრულ სამუშაოს. ამ შემთხვევაში, შრომით ხელშეკრულებას ხელს აწერს საზოგადოების გამგეობის წევრი.
 7. საზოგადოების გამგეობის თავმჯდომარეა:

1. ანა აბაშიძე

პირადი ნომერი:	33001026392
დაბადების თარიღი:	1986-10-29
მისამართი:	ოზურგეთი უნივერსიტეტის ქ. N 10 ბ. 12

მუხლი 10. აღმასრულებელი დირექტორი

1. საზოგადოების თავჯდომარე, არჩევიდან 3 თვის ვადაში თანამდებობაზე ნიშნავს აღმასრულებელ დირექტორს.
2. აღმასრულებელი დირექტორის უფლებამოსილება წყდება საზოგადოების თავჯდომარის უფლებამოსილების ამოწურვასთან ერთად. საზოგადოების თავჯდომარის უფლებამოსილების ვადამდე შეწყვეტის შემთხვევაში, საზოგადოების თავჯდომარის არჩევამდე მის უფლებამოსილებას ახორციელებს აღმასრულებელი დირექტორი.
3. აღმასრულებელი დირექტორი ახორციელებს საზოგადოების ხელმძღვანელობით და წარმომადგენლობით უფლებამოსილებას ერთპიროვნულად.
4. საზოგადოების თავჯდომარე უფლებამოსილია აღმასრულებელი დირექტორი გაათავისუფლოს თანამდებობიდან ან/და შეუზღუდოს, შეუწყვიტოს ხელმძღვანელობითი და წარმომადგენლობითი უფლებამოსილება, რაც დაუყოვნებლივ უნდა აისახოს საჯარო რეესტრში.
5. აღმასრულებელი დირექტორის უფლებამოსილებასთან დაკავშირებული სხვა საკითხები განისაზღვრება საზოგადოების შინაგანაწესით.

2. ანა არგანაშვილი

პირადი ნომერი:	01025006842
დაბადების თარიღი:	1979-09-02
მისამართი:	თბილისი მ.ალექსიძის ქ. N 1 კორ. 5 ბ. 17

მუხლის 11. საზოგადოების ხელმძღვანელობასა და წარმომადგენლობაზე პასუხისმგებელი პირები.

1. საზოგადოების ხელმძღვანელობასა და წარმომადგენლობაზე უფლებამოსილი პირებია:
 - 1.1. საზოგადოების თავჯდომარე, ერთპიროვნულად;
 - 1.2. აღმასრულებელი დირექტორი, ერთპიროვნულად;
2. ამ მუხლის პირველი მუხლის 1.1. და 1.2. ქვეპუნქტებში ჩამოთვლილი პირები უფლებამოსილებას ახორციელებენ ინდივიდუალურად/დამოუკიდებლად.

მუხლი 12. საკონსულტაციო საბჭო

1. საზოგადოების მმართველობითი ორგანოების ეფექტური საქმიანობის ხელშეწყობის მიზნით იქმნება საკონსულტაციო საბჭო, რომელსაც მინიმუმ სამი წევრის შემადგენლობით მოიწვევა საზოგადოების გამგეობის მიერ გამგეობის უფლებამოსილები ვადით.
2. საბჭოს წევრი ავტომატურად ხდება პირი, რომელსაც საერთო კრების გადაწყვეტილებით მინიჭებული აქვს საზოგადოების საპატიო წევრის სტატუსი.
3. საკონსულტაციო საბჭო, შეიმუშავებს და ხმათა უმრავლესობით იღებს სარეკომენდაციო მითითებებს, რომელთაც არ აქვთ შესასრულებლად სავალდებულო ხასიათი.

მუხლი 13. საზოგადოების ლიკვიდაცია/რეორგანიზაცია

1. საზოგადოების რეორგანიზაცია და ლიკვიდაცია ხორციელდება ამ წესდებითა და საქართველოს კანონმდებლობით დადგენილი წესით.
2. წევრთა გადაწყვეტილება საზოგადოების ლიკვიდაციის პროცესის დაწყების შესახებ უნდა დარეგისტრირდეს მეწარმეთა და არასამეწარმეო (არაკომერციული) იურიდიული პირების რეესტრში. ლიკვიდაციის პროცესი დაწყებულად ითვლება მისი რეგისტრაციის მომენტიდან.
3. ლიკვიდაციის დროს უნდა დასრულდეს მიმდინარე საქმეები, დადგინდეს მოთხოვნები, დარჩენილი ქონება გამოიხატოს ფულში, დაკმაყოფილდნენ კრედიტორები.
4. საზოგადოება, ლიკვიდაციის შედეგად დარჩენილ ქონებას გადასცემს შესაბამისად ერთ ან რამდენიმე არასამეწარმეო (არაკომერციულ) იურიდიულ პირს, რომლებსაც აქვთ იგივე ან მსგავსი მიზნები, როგორც ლიკვიდირებულ არასამეწარმეო (არაკომერციულ) იურიდიულ პირს. თუ ასეთი ორგანიზაციები არ არსებობს ან შეუძლებელია ასეთი ორგანიზაციების გამოვლენა, მაშინ შეიძლება მიღებულ იქნეს გადაწყვეტილება ამ ქონების სახელმწიფოსათვის გადაცემის შესახებ.

5. ლიკვიდაციის სხვა პირობები განისაზღვრება საქართველოს კანონმდებლობით დადგენილი წესით.

მუხლი 14. დასკვნითი დებულებები

1. წინამდებარე წესდება ძალაში შედის საერთო კრების წევრთა სათანადო უმრავლესობის მიერ ხელის მოწერისა და საქართველოს იუსტიციის სამინისტროს საჯარო რეესტრის ეროვნულ სააგენტოში დარეგისტრირების შემდგომ.
2. თუ ამ წესდების რომელიმე დებულება ბათილად იქნა ცნობილი, ეს გავლენას არ მოახდენს წესდების სხვა დებულებების ნამდვილობაზე.
3. ამ წესდებასა და საქართველოს მოქმედ კანონმდებლობას შორის არსებული შეუსაბამობის შემთხვევაში მოქმედებს კანონმდებლობით გათვალისწინებული ნორმები.
4. წესდებას გააჩნია უპირატესი მოქმედების ძალა საზოგადოების საქმიანობის მარეგულირებელ სხვა აქტებთან მიმართებით.

ქ. თბილისი,
2016 წლის 11 იანვარი